



Crésia de Santa Bàrbara

In Gésturi, sa Crésia de Santa Bàrbara, de su 1473, est sa prus antiga de sa bidda e s'agatat in su Parcu omónimu.

S'edifítziu de cultu, de istilu romànicu, cun sa pranta a forma de cruxi ladina, tenit is murus de pedra de coloris differentis e sa cobertura de linna e téulas.

In s'afaciada ddoi est s'iscritzioni cun s'annu de faimentu e su nómini de chini dda at fata, “Hoc fecit Badinu”, e in pitzus su campanili a vela. A dónnia costau ddoi at una ventana cun sa parti de pitzus a forma de arcu a mesucircu, chi serbit po fai intrai sa luxi in sa navada.

Aintru, su presbitériu abarrat prus in artu de su pomentu.

In is annus chi andant de su 2000 a su 2011 dda ant restaurada e dda ant torrada a aberri a is fidelis, pustis chi, de su 1918, dda iant lassada serrada una centina de annus, ca in períodu de gherra iant impreau sa linna de sa cobertura po fai unus cantu baullus.

Po ndi isciri de prus asuba de is monumentus de su Comunu de Gésturi sighei su situ istitutzionali:

- <https://www.comune.gesturi.su.it/>

SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.